

khere. Akana lengo dat phuchla len:

– Kon, kate, so pechalindyas? Sar achhilo?

E duy phrala asana peske pe phralesa o tsiknesa. Thay baro phral phendyas:

– Ey, dade! Me nay barvalo! Me liom thagarune raklya. Me ikya, me ikya. Me but barvalo achhilyom.

O sredno, li ov swshto kidya. O tsikoreske phenna:

– Mi tu kial?

– Mi so kerav? Kaya si mo kwsmeti. Kakaya inkistilo mange. Phirdim, phirdim, phirdim – phela – deshoduy tswrvulya pharavdim. Kakaya si mo kasmety. Kakaya liom. I zhamba.

Lesko dat phenla:

– Aaa! Sigo te chhiven les – phenla – ko purane saraya! Mahninen les katar! Ando diyes ekvar, duvar maro den les! Katka te ne avel mange!

Thay chhiena les ko purane saraya veche. Beshla othe. Anna leske ekh habe, ova iklyola. Pishtima i zhamba, morkhi upral leste. Achyola e shuut. Shuut! Thablyola o kher bi lamba, svetinla. Phucharela pes. Kerela leske habe, yahniya, mare. Shukat thay po-shukar habe. Shulavla othe. Serverinela leski ki masa sichko.

Ov taman vremi te preberinel pes i hoop...chhivela pes andi morkhi. Ov thoola lake ekh leheni, pherela lake pani, ta izmuklala ando pani. Thay avela peske andre.

– Dikh – phenla – andre! Shulavdo! Namestime! O habe serverime!

Phendyas:

– Brey! Kova ka avel mange te kerel kava habe, kava shuzhipe? Man mo dat zhi ko udar man na mukla! – chudinela pes.

I zhamba ando pani: „Kw-kw, kw-kw, kw-kw!“. Ov hala maro, chhivela lake trohes ando pani. I zhamba vwrтинela pes ando pani. kerela pes... Phendas:

– E! Kakaya si mo kasmety, kakaya ka ovav!

Adies kerda ekh bersh, duy bersh ikya. I zhambasa zhiviela othe. Avela les aver godi.

– Ne! Ka sledinav tut!

Lela o raklo, garaela pes. I zhambake phenla:

– Ayde, me iklyava. Me iklyoava.

Iklyola ko tavanos. Kerela peske ekh hev. Thay sledinela katar o avanos. Ov iklyola, paal leste iklyola li i zhamba. Chhivela pi morkhi, ichhyola latar po-shukar... nanay ando dunyas. Bunjarela pes, shulavla indral, i zumi kerela, akava kerela, okova kerela. Ov dikhla andar i hev.